



Broj:
Sarajevo, 28.12.2020. godine

BOSNA I HERCEGOVINA

PARLAMENTARNA SKUPŠTINA BOSNE I HERCEGOVINE

SARAJEVO

DNEVNI RED			
28.12.2020			
Organizaciona jedinica	Klasifikaciona oznaka	Hesni broj	Broj pitanja
			01-50-1-15-15/20

PARLAMENTARNA SKUPŠTINA BOSNE I HERCEGOVINE
PREDSTAVNIČKI DOM

n/r predsjedavajuće, gđe. Borjane Krišto

Na osnovu člana 170. Poslovnika Predstavničkog doma Parlamentarne skupštine Bosne i Hercegovine („Službeni glasnik BiH“, br. 79/14, 81/15, 97/15, 78/19 i 26/20), postavljam

POSLANIČKO PITANJE
MINISTARSTVU VANJSKE TRGOVINE I EKONOMSKIH ODNOSA BOSNE I HERCEGOVINE

Poštovani,

Kao što vam je poznato, Bosna i Hercegovina je među vodećim zemljama u Evropi po broju smrtnih slučajeva uzrokovanih zagađenjem zraka, a procjenjuje se da 30% zagađenja dolazi iz izduvnih gasova automobila.

Još početkom 2019. godine pokrenute su aktivnosti na donošenju Odluke o privremenoj suspenziji i privremenom smanjenju carinskih stopa pri uvozu novih automobila u Bosnu i Hercegovinu. Odlukom je predloženo da se carinska stopa na uvoz novoprodučenih automobila koji nemaju preferencijalni status robe iz zemalja s kojima BiH ima zaključene sporazume o slobodnoj trgovini, smanji sa dosadašnjih 15% na 5% za automobile s pogonom na benzin, dizel i hibridna vozila, te da se sa 5% na 0% smanji carinska stopa na automobile na električni pogon.

Uvoz električnih automobila u zemljama EU ne samo da je oslobođen plaćanja carine, nego države članice EU osiguravaju određeni preferencijalni tretman za proizvođače i uvoznike električnih vozila.

S obzirom da Bosna i Hercegovina sigurno ima najstariji vozni park u Evropi, da je uvoz polovnih automobila postao značajan biznis putem kojih se bogate određene skupine ljudi u BiH, a da naše stanovništvo udiše najzagađeniji zrak u Evropi molim Vas da mi odgovorite šta je do sada urađeno na nivou Bosne i Hercegovine na donošenju odgovarajuće regulative kojom bi se podstakao uvoz novih i električnih automobila u cilju smanjenja zagađenja zraka i zaštite životne sredine.

S poštovanjem,

Alma Čolo